

ばはつきりとせし、熱目などは極めてよし、さるは女のさしいでたるか、るあやしのすゝろごといわずともと思へ共、所の翁の物語をき、湯の機能を世に示さばやと、ゆく／＼湯治の人のために、筆のすさみに書とゞめ侍る、

〔湯崎温泉記〕海内温泉不可勝數、其最顯於古者、莫先於豫之熱田、津攝之有間、紀之牟漏、牟婁温泉尤多、其有名者二焉、曰湯崎、曰湯峯、古史所記、泛言紀温泉、不斥其地、故世或疑焉、書紀齊明天皇四年冬十月、帝幸紀溫湯、先是、有間皇子來浴、牟婁溫湯、歸奏曰、其地勝絕、纔涉其境、病自蠲消、帝聞之、而南巡之意決矣、帝之幸也、皇太子亦從駕、即天智帝是也、又書紀持統天皇四年九月、天皇幸紀伊、又續紀文武天皇大鳳元年九月、太上天皇幸紀伊國、冬十月、車駕至武漏溫泉、蓋此時二帝相偕幸焉、而持統帝則併前兩回、萬葉集所載亦足以徵矣、然則此地溫泉之美、海嶽之勝、所稱於古者、其將奚疑、今村中相傳、稱御船谷御幸芝者、乃臨幸之遺蹤云、蓋茲地橫出於瀛海之中、偃蹇蟠屈、如臥龍奔虵、北與田邊城相對、面勢海灣、灣大十有餘里、其間蒼顏秀壁之削立、曲浦長洲之聯亘、漁村之點綴、島嶼之碁散、異態詭峯、狀不可縷形、憑高望之、恍如入僊都、其遠望則峻嶽疊峯、濃淡分彩、而聳拔於雲表、大瀛萬里、眇無際涯、賈帆商舶、往來出沒於風濤煙雲之中者、一舉目而足矣、誠海南之壯觀也、有馬王蠲病之言不虛矣、今溫泉五焉、曰元湯、曰屋形湯、曰濱湯、曰崎湯、曰摩撫湯、故老相傳、元湯最舊古之所用信矣、余聞之、醫曰、溫泉說、本艸以下皆未盡、獨稻若水、香太冲所論確當、其言曰、凡地有火脈、有水脈、二脈相交則成溫泉、其性極熱、觸物則變、又曰、溫泉必生硫黃、蓋溫泉之滓也、按茲地故稱鉛山、以地出鉛也、鉛之爲性甘寒無毒、極熱觸之、相和且無硫黃氣者、其由斯邪、夫物之峻烈、取効雖速、其害亦多、其唯溫柔和煦、足以奏功、無有後害、所以爲貴也、昔時聖駕相繼臨幸、得非爲此耶、若乃助氣溫體、通壅滯、利關節、解結發痼、愈瘡、諸如此之類、皆此湯所驗、而四方來浴者、各宜自得焉、況有奇偉秀絕之觀、交相輔以蠲病、如有間王所稱乎、此皆不可以不知也、余奉命巡省此地、邑長某來請曰、吾邑溫泉貴於天下、最顯於古、願記